

Inatsisartut Suleriaasianni § 33, imm. 3, nr. 1 naapertorlugu Nunat Avannarliit Killiit Siunnersuisoqatigiiffianni Inatsisartut aallartitaannut siulittaasup Lars-Emil Johansenip aalajangiiffigisassatut siunnersuut manna saqqummiuppaa:

**Nunat Avannarliit Killiit Siunnersuisoqatigiiffiata kaammattuutit aalajangersagaata Inat-sisartunit ilalernerqarneranik Inatsisartut aalajangiiffigisassaattut siunnersuut:**

**Nunat Avannarliit Killiit Siunnersuisoqatigiiffiata Savalimmiuni naalackersuisut, Kalaallit Nunaanni Naalackersuisut Islandimilu naalackersuisut kaammattorpaat Nunat Avannarliit Killiit Siunnersuisoqatigiiffianut qinikkatut ilaasortat, Siunnersuisoqatigiiffimmut nalunaarutit tunngavigalugit, allatigulluunniit isumaqarfigisaminnik nunat avannarliit killiit suleqatigiinnerisut tunngasunik, nunat ilasortaasut naalackersuisuinut apeqquteqarsinnaaleqqullugit. Apeqqutit Nunat Avannarliit Killiit Siunnersuisoqatigiiffiata allattoqarfianut nassiunneqartassapput, tassangaanniillu naalackersuisunut pineqartunut ingerlateqqinnerqarlutik. Naalackersuisut pisussaapput ilaasortamit apeqqutigineqartumut, kingusinnerpaamik apeqquteqarfigineqartup apeqqummik tiguseraniit sapaatit akunnerini arfineq-pingasut qaangiutsinnagit, akissuteqarnissamut.**

**Tunngavilersuut:**

Nunat Avannarliit Killiit Siunnersuisoqatigiiffiat 2014-imi septembarimi Islandimi ukiumoortumik ataatsimiippoq Siunnersuisoqatigiiffiullu aalajangerlugu ilaasortatut qinikkat akunnerminni naalackersuisuminnut tunngasunik apeqquteqarnissamut periarfissinnerisigut nunat avannarliit killiit akornanni suleqatigiinneq siuarsarneqassa-soq.

Periarfissamik taamaattumik ammaassinikkut ilaasortatut qinikkat apeqqutigineqartunut akissutissanik atorluarneqarsinnaasunik pissarsiniarsinnaassapput, taamaalillutilu nunani avannarlerni killerni sammisat suleqatigiinnerluunniit pillugit naalackersuisut sulinerata malinnaaffiginissaanut aallunnissaanulluunniit pitsaannerusunik periarfissaqalerlutik.

Ilaasortatut qinerneqartup nunap allap naalackersuisuinut apeqquteqarnissamut periarfissaa Helsingforsimi isumaqatigiisummi artikel 57 aqqutigalugu Nunat Avannarliit Siunnersuisoqatigiiffiani aamma nassaassaavoq, tassani ima allassimasoqarluni:

*„Nunat Avannarliit Killiit Siunnersuisoqatigiiffianni ilaasortatut qinigaq nalunaarutit Siunnersuisoqatigiinnut tunniunneqartut sammisalluunniit nunat avannarliit suleqatigiinnerannut tunngassutillit pillugit naalackersuisunut imaluunniit Ministerrådimit apeqquteqarsinnaavoq.“*

Nunat Avannarliit Siunnersuisoqatigiiffianni ilaasortat Nunani Avannarlerni tamani naalakkersuisunut ilaasortanut, taamaalillunilu aamma nunani avannarlerni killerni naalakkersuisunut apeqquteqarsinnaappata Nunat Avannarliit Killiit Siunnersuisoqatigiiffianni ilaasortat assinganik piginnaatinneqartariaqartut Nunat Avannarliit Killiit Siunnersuisoqatigiiffiat isumaqarpoq.

Apeqqutit Nunat Avannarliit Killiit Siunnersuisoqatigiiffiata allattoqarfianut nassiunneqartassapput, tassani nalunaarsorneqartassallutik aammalu naalakkersuisunut ataa-siakkaanut apeqqutit ingerlateqqinneqartassallutik kiisalu taakku naalakkersuisunit tiguneqaraangata Nunat Avannarliit Killiit Siunnersuisoqatigiiffiata nittartagaanut ta-manut saqqummiunneqartassallutik.

Taamaattumik Naalakkersuisut kaammattorneqarput Nunat Avannarliit Killiit Siunnersuisoqatigiiffiannut ilaasortat periarfisseqqullugit suliaasaqarfiit suleqatigiiffiusut eq-qarsaatigalugit ministerinut apeqquteqartarsinnaannaannut.

### **Siunnersuutip aningaasatigut kingunerisassai**

Siunnersuutip aningaasatigut killilimmik kinguneqarnissaa naatsorsuutigineqarpoq, Nunat Avannarliit Siunnersuisoqatigiiffianni aaqqissuussinermi tassannga misilittakkat takutimmassuk nunani ataasiakkaani naalakkersuisoqarfinni ataasiakkaani tamanna malunnartumik sulinerulernermik kinguneqarsimanngitsoq. Aaqqissuussineq nutaa-liornerummat siunnersuutip aningaasatigut kingunerisassai sukumiinerusumik nalileruminaapput, tamatumunnga ilaatigut pissutaalluni erseqqilluinnartumik eqqoriarneqarsinnaanngimmat apeqqutit qanoq amerlatigisut annertutigisullu naatsorsuutigineqarsinnaassanersut.